

17.oktober 2019

UKA2019/51

**Apersortittoqartillugu, akunnaallisoortoqartillugu, katittoqartillugu ataasiartumik immikkut matoqqasumik aaqqissuussinissamut imigassanik kimittuunik kimikittunillu neriniartarfinni, imerniartarfinni, akunnittarfinni il.il. ulluni sapaammiik sisamangornermut ullaassakkut nalunaaqutaq 04.00 sassaalliinissamut qinnuteqartoqarsinnaanngornissaa anguniarlugu imigassamut inatsisimmut allannguutissamik saqqummiusseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. (Tassani ilaassapput ukiuni 25-ni, ukiuni 50-ni katiffissiornerit il.il.) peqatigiiffiit nalliuttorsiorneri, siulersuisut ataatsimiinneri, Inatsisartunut qinersineq, kommunalbestyrelsineq qinersineq il.il. (Inatsisartunut ilaasortaq Malene Vahl Rasmussen, Demokraatit)**

Siumut-miit siunnersuuteqartoq Inatsisartunut ilaasortaq Malene Vahl Rasmussen, Demokraatit-neersoq imaattumik oqaaseqarfigissavarput.

Siumut-miit siunnersuuteqartoq qujaffigerusupparput. Tassa nalliuttoqartillugu uagut nunatsinni amerlasuujuugut siulitsinniit immaqaluunniit meeraanitsinniit pingaartitatta ilagisarivaat. Tassa naatsumik oqaatigalugu kultooritsinni ilaavoq nalliuttorsiornerput.

Nalliuttuni inuttut eqqaamasatta nuannersut ilagisarpaat apersortittoqarnerani, katittoqarnerani kuisittoqarnerani, atuarnerni naammassisoqarnerani nalliuttorsiorfigineqartartullu taakkartorneqarsinnaasut ilaat ilanngullugit.

Nalliuttut pingaartitagut nunatsinni innuttaasuusugut tarnitsigut pissarsiaqaatigisarpagut nukissanillu assigiinngitsutigut iluaqutigisarlugit.

Taamatut Siumut-miit naatsumik oqaaseqarluta siunnersuuteqartoq Inatsisartunut ilaasortaq Malene Vahl Rasmussen, Demokraatit-neersup siunnersuutaa taparserlugu ataatsimiititaliamut ingerlaqipparput.

Mala Høy Kuko

Siumut